

RĪUNGĀ TUUMDE

2013, TUUL-NIFU

TUUL-NIF RASEM A 8 SEMENNĀ

Yuull 123 la puusgo

□ Tīgingā Biibl zāmsgo:

Iv vēnegrā s.n. 215-218 (Min. 30)

□ Wēnnaam tuumdā lekolle:

Biiblā karengo: Luk 10:12 (Min. 10)

N° a 1: Luk 12:1-21 (Min. a 4 bu sēn pa ta woto)

N° a 2: Bōe yīng tu buud toey-toeyā neb yīns halhaal pa taaba?—rs s.n. 296 s. a 1—s.n. 297 s. a 2 (Min. a 5)

N° a 3: Bōe yīng tu d yetē t'a Zeova yaa tōnd Ba?—Mat. 6:9 (Min. a 5)

□ Tuumdā tīgsga:

Yuull 60

Min. 10: Kengd-y taab raoodo. (Rom 1:11, 12) Sōsg ne kelgdbā, tuumdā yel-gēt sēn segd n wegse. Togs yāmb tīgingā so-pakdbā sōore. Wilg d sēn tōe n maan to-to n keng b raoodo. Wala makre, d tōe n pēgd-b lame, d tōe n naag-b lame n moon koeegā, n teel-b ne ligdi, pa rē bu d mi n bool-b tu b wa naag-d n du. Bool so-pakdbā kēer n sok tu b togs b tēed-n-taas sēn keng b raood to-to. Yāmb tīgingā sā n pa tar wakat fāa so-pakda, bu f gom sōngr so-pakdbā yelle.

Min. 10: Sogsg b sēn leok yaoolem dayā weengē. Yaa sōsg ne kelgdbā sēn tik Comment raisonner sebrā neng 96, sull a 5 n tāag seb-neng 98, pipi sullā zugu. Maan-y mak-n-wilg a ye.

Min. 10: "D ruk no-rēesdbā togs-n-taare: A Zonas." Sogsg la leoore.

Yuull 13 la puusgo

D ruk no-rēesdbā togs-n-taare:

A Zonas

¹ B sā n gomd no-rēes a Zonas yelle, bōe n wat y yamē? Kēer tōe n tagsdame t'a yuu rabēem bu nin-toaaga. La sud-suda, a yuu sik-m-meng soaba, a talla raoodo, a tūma a taabā neer yīng me. Wān to la d tōe n duk a togs-n-taare?—Zak 5:10.

1. Zug-sōma bus la a Zonas tall-yā?

² **A yuu sik-m-meng soaba:** Wēnnaam sēn tūm a Zonasā, a zoeeme, n pa kēng a sēn da segd n kēngē wā ye. Asiiri nebā ra yaa nin-toose, tu b ra boond Niniiv tu "nin-kuvdb" tēnga. Dēnd a Zonas zoeesā pa lingr ne-d ye. (Nah. 3:1-3) A Zeova sēn kibl a Zonas n lebs n tūm-a wā, a sika a meng n sak n kēnge. (Yel. 24:32; Zon. 3:1-3) Baa ne a sēn da tōdg n zoe n kēng zīig a to sungrē wā, so-kānga a maana a Zeova raabo. (Mat. 21:28-31) Tōnd me sā n wa paam kiblgu, wall d sā n segd zu-loees d moonegā zīigē, bu d da bas koe-noogā mooneg ye.

³ **A talla raoodo, a tūma a taabā neer yīnga:** A Zonas sēn wa n mik t'a kūsgā na n tūu ne koom-koglgā rāmb yōorā, a sakame n na n ki tu b paam n pōse. (Zon. 1:3, 4, 12) Kaoosg zugē, a sēn wa n kēng Niniivā, a gilga tēngā tōre. Tōe t'a ra baooda zīig a sēn tōe n yals n taas nebā a Zeova bu-kaoorā koeese. Woto wilgdame t'a ra tara raoodo, a pa rabēem ye. (Zon. 3:3, 4) La tōnd yē? B sā n wa namsd tōnd koeegā mooneg yīnga, yaa tulae tu d paam tu Wēnnaam kō-d raoodo. (Tūu. 4:29, 31) Yul n tōog me n tūm nebā nafr yīng koe-moonegā pugē, rēnd d sak n duk d sēkā la d tōog toor-toorā n sōng-ba. —Tūu. 20:24.

⁴ Wakat fāa y sā n wa karemd kibar Biiblā pugē sēn gomd a Zeova no-rēes yelle, n mams tu yaa wa yāmb la no-rēesā, na n naf-lame. Bu y sok y meng woto: 'M manesem ra na n yū wāna? Wān to la m tōe n duk a togs-n-taare?' (Heb. 6:11, 12) Kiis nins sēn watā, Rīungā Tuumde na n goma a Zeova no-rēesdbā a taab yelle, la d sēn tōe n duk a togs-n-taar to-to.

2. Wān to la d tōe n duk a Zonas togs-n-taare sik-m-mengā weengē?

3. Zī-bus weengē la raood ne maan-neer yaa tulae?

4. Bōe yīng tu d segd n maag d yīng n tags a Zeova no-rēesdbā mak-sōngā yelle?

TUUL-NIF RASEM 15 SEMENNĀ

Yull a 6 la puusgo

□ Tizingā Biibl zāmsgo:

/v sak a 8 sull a 1-10 (Min. 30)

□ Wēnnaam tuumdā lekolle:

Biiblā karengō: Luk 13-17 (Min. 10)

N° a 1: Luk 16:16-31 (Min. a 4 bū sēn pa ta woto)

N° a 2: D sēn yaa koangdbā, d ka yōod Wēnnaam nif bū?—Yul 103:8, 9, 14; Gal. 6: 9 (Min. a 5)

N° a 3: Ninsaalbā fāa yaa Wēnnaam kamb bū?—rs s.n. 297 s. a 3—s.n. 298 s. a 1 (Min. a 5)

□ Tuumdā tigsga:

Yull 95

Min. 10: Yāmb sogsgā leoore. Sōsg ne kēgdbā.

Min. 10: D sēn tōe n moon neb wusg to-to: Babg a 2. Diskuur sēn tik Organisés sebrā neng 112 sull a 3 n tāag seb-neng 114 sull a 1. Bool so-pakd a ye bū b yiib n sok tu b togs b sēn sigl b sēkā to-to n tōog n yu so-pakdba.

Min. 10: Y kōta kasetā y tuumā zīgē bū?

Sōsg sēn tik sogs-kāensā zutu: 1) Bōe yīng tu yaa sōma tu f tumd-n-tasā bāng tu f yaa a Zeova kaset soaba? 2) Wān to la f tōe tu b bāng tu f yaa a Zeova kaset soaba? 3) Segb bus la y tōe n paam y tuumā zīgē n kō kasetā? 4) Bōe yīng tu yaa sōma tu y tar Biiblā la sēb a taab y tuumā zīgē? 5) Bōe yīng tu y sā n na n kō kaset y tuumā zīgē bu segd n yu koeeg-koeega? 6) Kiba-bus sēn yaa nood la y tar n na n togse, y sēn kō kaset y tuumā zīgē wā?

Yull 45 la puusgo

YĀMB SOGSGĀ LEOORE

■ Biiblā sagl-bus n tōe n sōng-d tu d zā d selileer-dāmbā neer tigissā la koe-moonegā sasa?

“Būmb fāa tara a wakate.” (Koe. 3:1): Wakat buud fāa, d tōe n talla selileer n sōs ne ned bū n tool mesaaze. La wakat n be tu d pa segd n bas tu d selileer-dāmbā tiis-d ye. Wala makre, tigissā sasa, d waoogda a Zeova, d paamdame t'a zāmsd-do, la d kengd taab raoodo. (Tōo. 31:12; Yul 22:23; Rom 1:11, 12) Woto wā, yuta sōma tu d kiis d selileer-dāmbā tigissā sasa, tu sā n sa bū d widgi. La sā n mikame tu y pa segd n kiis y selileerā, bū y tōg-a tu ned sā n bool-y bū a ra tiis neb a taabā ye.

‘Maan-y būmb fāa koe-noogā yīngā.’ (1 Kor. 9:23): Wakat kēere, selileer-dāmbā sōng-d-la koe-moonegā pugē. Makre, sēn lūt-a taoor koe-moonegā sasa wā tōe n tūnuga ne selileer n bāng koe-moondb a taabā sēn beē. Koe-

moondb kēer mi n tall-a lame n bool ned sēn wilg t'a rat n bāng n paasame, bū n bool b Biibl karen-biig nand tu b kēng a nengē, sēn yūd fāa, a sā n bee zīg sēn zāre. D sā n wa sōsd ne ned bū d gūus tu d selileerā ra tiis-d ye. (2 Kor. 6:3) Moonegā sasa, d sā n wa gūud d taabā, yuta sōma tu d tags koe-moonegā yell la sēn moond-b ne tōndā yelle, la d ra boond neb bū n toond mesaaz-rāmb ye.

D wilg tu d nanda d taabā. (1 Kor. 10:24; Fil. 2:4): Pa zems tu d tags tu baa d sā n pa yi pīnda, d tōe n boola saam-biig ning wall d tool-a mesaaz n bāng sullā sēn beē n moondē wā ye. D sā n pa kēnd koe-moonegā pīnda, d tudg n mikame tu b zoe n pūuya nebā, tu lebg tulae tu b toeeme. Yaa sūd tu wakat ninga, d tōeeme n pa ta pīnd ye. Baasgo, d sā n minim n kēnd pīnda, wilgdame tu d nanda koe-moonegā yiib tigsgā a Zeova sēn kūt tu b siglā, saam-biig ning sēn lūt-a taoorā, la koe-moondb a taabā.

Siglgā taoor-lvltb Sull lētre

D saam-biisi,

Tōnd saasē Ba a Zeova kō-d-la mak-sōng sēn ka to nonglmā weengē. Rē n so tu Biiblā yeel tu “Wēnnaam yaa nonglem.” (1 Zā 4:8) Baa ne a Zeova pāngā sēn ka koakā, Biiblā pa yet tu “Wēnnaam yaa pāng ye.” A sēn get ādem-biisā yell to-to wā tika nonglmā zugu. Woto sūd kutame tu d nong-a!

A Zeova pa modgd tōnd tu d tū-a ye. A pa nin-toaag ye. A ratame tu d tū-a ne yamleoogo, la d ne sūur fāa. D sā n tūud-a woto, d wilgdame tu d ratame t'a yu d naaba, bala d kusa sūd t'a rūta a naamā ne turlem la ne nonglem. A sēn maan būmb ning hal ninsaalbā singrē wā yaa kaset t'a naamā sūd yaa sōma.

A Zeova pa modg a Ādem ne a Hawa tu b tū-a ye. A basame tu b yāk b sā n na n tū-a lame. B sā n da sūd nonga a Zeova la b nand būmb nins fāa a sēn maan n kō-bā, b ra pa na n sak a Sūltāan n kūs a Zeova ye.

Kaoosg zugē, a Moiiz sēn wa n taas Israyell nebā a yaool goamā, a yeel-b-la woto: “Gese, rūndā, mam wilgda yāmb vūm ne sū-noogo, la kūum ne toogo.” (Tōo. 30:15) Woto wilgdame tu nin-buiidā da tara lohorem n na n yāk b sēn date. A Zozue me wa n yeela Israyell nebā woto: “Yāmb sā n ka rat n tū Zu-soabā, bū y bao y sēn na n tū a soab rūndā.” Tu nebā leoke: “Bū Zu-soabā ra sak tu d bas bāmb n tū Wēnnaam a to ye.” (Zoz. 24:15, 16) Yaa woto la tōnd me yet rūndā-rūndā. D sēn nong a Zeova wā yīnga, d pa rat n bas a tūub abada.

D sēn yaa kiris-neb hakukā, d mii ned fāa sēn tar lohormā n tōe n yāk a toorē yamā sēn dat n yeelga. Baa kāsem-dāmbā sēn tar sor n na n sagl bu n kibl b tēed-n-taasā, b pa rat n du naam b taabā zut wall b soog-ba, bū n modg-b tu b tū Wēnnaam

ye. Tūm-tūmd a Poll yeela woto: “Pa tu tōnd yaa yāmb tēebā soadb ye, la tōnd yaa tūmd-n-taas yāmb sū-noog yīnga, bala yaa ne yāmb tēeb la y yasa.” –2 Kor. 1:24, MN.

D sā n maand būmb ne yamleoogo, sūd kōt-d-la sū-noog n yūd b sēn na n modg-d tu d maane. A Zeova ratame tu d maan būmb fāa ne nonglem. Wēnnaam sēn vēneg a Poll t'a gūls būmb ningā sūd wilgda rē. A yeela woto: “Mam sā n pūl m paoongā fāa n dulg naong rāmba, la baa mam sā n sak tu b yōog mam yīngā bugum, mam sā n ka tar nonglem, bōnkāens ka be yōod mam yīng ye.” –1 Kor. 13:3.

Ad a Zeova sūur yaa noogo, a sēn ne saam-biis la saam-bi-pogs milyō-rāmb sēn tūud-a ne b sūur fāa b sēn nong-a yīngā!

A Zeova me nonga a nin-buiidā fāa. A nonga kambā la kom-būsā sēn wilgda tu b nong-a lame n yūd dūni-kāngā la būmb nins fāa a sēn tōe n kō-bā. Bāng-y tu tōnd me nong-y-la ne d sūur fāa. –Luk 12:42, 43.

Yāmb sēn nong a Zeova wā yīnga, ruē, y rūka leer dāmb 1 748 697 447 n moon koe-noogā. Nonglem kāng kutame me tu d fāa sōor sēn ta neb 7 782 346 moon koeegā dūniyā gill zugu. D sūy yaa noog nin-paals 268 777 sēn duk b mens n kō a Zeova n deeg lisg tu kom-būs be sūkā. Woto rat n yeelame tu semen fāa, yū neb 5 168 n deeg lisgu. Ad woto sūd noogda sūuri!

Yaa sūd tu yaoolem da-kāensā pūsē, Wēnnaam nin-buiidā segd n maoa ne zu-loees wūsgo. Wala makre, namsg tēebā yīnga, bāase, la kūvlem. La d yāka yam n na n kell n tū Wēnnaam n da “targ ye.” D nonga y fāa wūsgo. –Heb. 10:39; 2 Kor. 4:16.

Yāmb saam-biisā,

*A Zeova Kaset rāmbā Siglgā
taoor lvltb Sulli*

TUUL-NIF RASEM 22 SEMENNĀ

Yull 85 la puusgo

□ Tīgingā Biibl zāmsgō:

/v sak a 8 sull 11-18 (Min. 30)

□ Wēnnaam tuumdā lekolle:

Biiblā karengō: Luk 18:21 (Min. 10)

N° a 1: Luk 18:18-34 (Min. a 4 bū sēn pa ta woto)

N° a 2: Buudā fāa neb na n tōog n wa zīnda ne taab wala saam-biis bū?—rs.s.n. 298 s. a 2—s.n. 299 s. a 1 (Min. a 5)

N° a 3: Sik-m-meng yaa bōe, wān to la d baood-a, la bōe yīng tu rē tar yōodo? —Sof. 2:2, 3 (Min. a 5)

□ Tuumdā tīsgō:

Yull 120

Min. 10: "D kelg n dūk yam." Sogsg la leoore.

Min. 10: "Koe-mooneg sēn womd biisi." Sōsg ne kelgdbā. Boollā seb-vāoogā sā n beeme, bū f kūt tu b kō nebā fāa, la f gom sēn be a pugē wā yelle. Wilg tīgingā nebā seb-vāoogā puub sēn na n sūng daar ningā, la b sēn segl to-to tu seb-vāoogā na n ta y moonegā zīg gilli. Kūt tu b maan mak-n-wilg koeeg-koeega.

Min. 10: "D zā d mens sōma tu waoog Wēnnaam." Sogsg la leoore.

Yull 121 la puusgo

D kelg n dūk yam

¹ Yuumd 2013 rasem a tāab tīgs-kāsemā na n sūnga ka la bilfu. B modga wusg n segl sōssā tu na n sōng-d tu d tōog n moon koeegā dūniyā gill zugu. Yāmb zoe n segla y meng n na n zīnd tīgs-kāsengā rasem a tāabā fāa bū? Tīgs-kāsemā sasa, būmb wusg tōe n tiis-d lame. Rēnd yul n tōog n kelg sōma baooda modgre. Sēn mik tu tīgs-kāsengā kaoosdame n yūud tīgiss nins d

1. Tōog n kelg tīgs-kāsengā sōma baooda modgre. Bōe yīnga?

sēn maand Rīungā rotē wā, d sā n dat n tū na-kēndrā sōma, rēnda d sūd mao. Sēn paase, d sā n toga sor n kēnge, yaamsā ne yel a taab tōe n tiis-d lame. Bōe n na n sōng-d tu d kelg sōma la d rūk yam?—Tōo. 31:12.

2 Nand tu tīgs-kāsengā sūnge: Y tōe n yāa tīgs-kāsengā na-kēndr tōnd sit wēbā (www.jw.org) pugē, n bāng sōssā gom-zutā ne verse nins zut b sēn tikā. D sā n deng n tu karem tīgs-kāsengā na-kēndr ēnternetā pugē, na n sōng-d lame tu d segl d mens d sūyā pusē n wa ru sōssā yōodo. (Es. 7:10) Sōs-y būmb ning y sēn na n tu kelg tīgs-kāsengē wā zug y zak pugē zaabr Biibl zāmsgā sasa.

3 Tīgs-kāsengā sasa: Nand tu tīsgā sūnge, we-keeng raab sā n be ne-y bū y pīnd n kēnge. Yūta sōma me tu y kiis y selileerā, tu booll wall mesaaz ra wa tiis nebā ye. Tōe n sōng-y lame me tu y ra wa rat n bool wall y tool mesaaz tīgsā sasa ye. Sā n yaa tūlae tu y ra kiis y selileerā, bū y maneg-a tu baa ned sā n bool bū ra tiis y taabā ye. Y sā n na n tūma ne aparey rāmb a taab me tīgsā wakate, bū y gūus tu ra tiis nebā ye. Tīgsā sasa bū y modg n da rūtē wall y yūud ye. (Koe. 3:1) Kelg-y sōsd fāa sōma. B sā n wa yeel tu d karem verse bū y modg n tū karengā y Biiblā pugē. Dūk-y not-koeese.

⁴ D ratame tu d kambā me kelg la b rūk yam. Yelbūn 29:15 yeta woto: "B sā n bas biig t'a maan a yam, a ningda a ma yānde." Rē wā, yuta sōma tu zakā neb fāa zīnd ne taaba, tu roagdbā tōog n gūus b kambā tu b kelg neere, n da sōsd wall b toond mesaaz-rāmba, pa rē bū b yikdē n saad ye. Baa y kambā sā n

2. Wān to la d tōe n segl d meng d sūrā pugē tīgs-kāsengā yīnga?

3. Bōe n na n sōng-d tu d kelg sōma?

4. Wān to la roagdbā tōe n sōng b kambā tu b kelg sōma?

Koe-mooneg sēn womd biisi

D rasem a tāab tigs-kāsengā sā n wa ket semen a tāabo, d na n le yiime n bool nebā. Bōe yīnga? Buumā waoogame. Naoor wusgo, sēn sakd-b boollā n wa wā sā n kelg sōssā sēn tik Biiblā zugā, b sūy yaa noogo. B sā n yā saam-biisā sēn tumd ne yamleoog tu būmba fāa sigl sōma wā, la b ne nebā fāa sēn zāad b mens neer tu zems-n-taar be b sukā, noom-b lame. (Yul 110:3; 133:1; Ezai 65:13, 14) La rē yīnga d sēn moon n bool nebā woma biisi, tu baa neb sēn yit zī-zārsē sak n wa bu.

Yuūmd 2011 rasem a tāab tigs-kāsengā loogr poore, pag sēn yā booll sebr a roogā noor n duk gulta letr n tool tōnd filiyall a yembre. A Zeova Kaset rāmb sā n da wa na n taas-a koeegā, a zoet n solgame. A yeela woto a letrā pugē: "M da tara ro-neere, tu m sūdā get m yell sōma. Woto kutame tu m da tagsdē tu m paama būmb nins fāa sēn na n kō-m sū-noogā. La buko, m da ket n pa tar sū-noogo, m pa wuūmd m vuūmā vōor ye. Rē n so tu m duk m mobillā n kēn kilo 320 n na n tu kelg tigs-kāsengā sibrā daar sōssā." A sūur yū noog wusgo, hal t'a

paoood n pa tōe n wūm sōsg fāa vōor sōma, y tōe n sōng-b lame tu bāng n zīnd su.

⁵ **Daar fāa tigsgā baasgē:** Kul-y pīnd n tu paam n vuūs sōma. Tags-y sōssā y sēn kelgā zug tu sōng-y tu y ra yīm ye. Zaabr fāa, yāmb ne y zakā rāmb sā n dukd baa yaa minit a wān n sōsd būmb ning y sēn kelgā zugu, na n naf-y lame. Y sā n wa na n kēng restoorā pug n tu ru ne y zo-rāmba, bu y zā y not-rāmbā sebr tu sā n tōe bu y sōs būmb a ye wall

5. Bōe yīng tu yaa sōma tu d lebg n tēeg tigs-kāsengā sōsse, la wān to la d tōe n maan dē?

bool a sūdā n yeel t'a na n paame n kelg hatā daar sōssā me. Pagā paasa woto: "M kelga sōssā fāa, la m sōs ne a Zeova Kaset rāmb wusgo. Mam yāka yam tu m na n kell n bao n bāng-b lame n paase." A sēn lebg n kulā, a singa Biiblā zāmsgo, la kiis a naas poore, a lebga koe-moond sēn nan pa reeg lisgu. Ad sēn yeele: "Mam sūur nooma wusg m sēn yā boollā sebr m doogā noorā, bala masā m vuūmā tara vōore."

Kēer sēn na n paam boollā sebrā *na n waa* tigs-kāsengā. Bu d moon ne yēesem n bool nebā. D sā n wa rabd tigs-kāsengā bu d sui boollā sebre, tu d sā n paam segb bu d moon koeegā.

Bōe la d tōe n yeel n kō ned sebrā?

Sēn na yul n tōog n puū sebrā d moonegā zīgē zāngā, yuta sōma tu d ra gomd wusgo ye. D sā n puus ned n sa, d tōe n yeela woto: "Dūniyā gill zugu, d puuta booll seb-kāngā. Yāmb rēnd la woto. A pugē wā, y na n paama vēnegr n paase." Tall-y yēesem. D sā n wa puut sebrā wukēn-dāmbā, d tog n wilga periodik rāmbā me.

a yiib zugu. Tigs-kāsengā loogr poore, y zak pugē zaabri Biibl zāmsgā wakate, bu y bao n bāng y sēn tōe n tū sagls nins y sēn paamā to-to. Y leb n tōeeme tu semen fāa, bu y karem seb-paal nins sēn yi wā baa yaa bilfu.

6. Ned sā n kēng kibs n tu pa paam n du, wall a sēn du-wā sā n pa kē-a, kibsā kēngr pa naf-a ye. Woto me, sēn na yul tu d rasem a tāab tigs-kāsengā sēn watā naf-do, rēnda d modg n tu kelg sōssā fāa sōma, la d mao me n tū.

6. D sā n kēng tigs-kāsengē wā bala, sekame bu? Wilg-y y leoorā vōore.

D zā d mens sōma tu waoog Wēnnaam

¹ D rasem a tāab tigs-kāsemsā sasa, mi n yaa nana ne nebā tu bāng tu d tara tigs-kāsenga. Tēns wusg pusē, kiba-kūtbā seb wilgdame tu d tara tigs-kāsenga. Sēn paase, nebā nee sāambā sēn ning tigs-kāsengā *badz-rāmbā*. Rēn so tu d na n tēeg sagls kēer sēn na n sōng-d tu d waoog Wēnnaam tēng ning d tigs-kāsengā sēn na n zīndā.—1 P̄e. 2:12.

² **D ning fut sēn zemse:** Naoor wusgo, d tigs-kāsemsā sasa, neb kēer pēgda tōnd d sēn ning fut sēn zemsā. La d sā n wa na n kēng restoorā pugē n tu rī wall butikē n na n da teedo, fut nins d sēn na n ningā me tog n zemsame, bala tōe n kūtame tu sēn get-b tōndā pēg-do, wall sāam b sūuri. Baa sēn pa tulae tu d ning fut nins d sēn ningd n kēnd tigissā, d sēn na n ning-b rāmbā me segd n yūl sōma, n sek pēgre. Segd n yūl vēeneg nebā nifē tu d yaa toor ne dūniyā rāmba. (Rom 12:2) Sēn paase, d tog n ningda d *badz-rāmbā*, bala na n sōngame tu nebā bāng tu d tara tigs-kāsenga, la kō-d segb tu d moon koēegā. Leb n na n kūtame tu d tēed-n-taasā bāng-d n welge.

1. Bōe yīng t'a Zeova Kaset rāmbā sā n tar tigs-kāseng bū yaa nana ne nebā tu bāng?
2. D sā n kēng tigs-kāsengē, d futā sā n zemse, wān to la tōe n waoog Wēnnaam?

³ **D tall sū-mare, la d waoog nebā:** Rūndā-rūndā nebā sēn yaa beed-rāmb la zū-beoog rāmbā, d sā n tar sū-mar la d waoogd nebā, d get-bā sūy na n yūl noogo. Wala makre, restoorā-rāmbā tūmtūmdbā. (2 Tūm. 3:1-5) Tigs-kāsengā zīigē d sā n na n yāk zaoose, wall d sā n wa na n tong n tu reeg seb-paalā, segdame tu d bao d taabā nafrē, n da bao d meng sōngr bal ye. (1 Kor. 10:23, 24) Rao a ye sēn kēng tōnd tigs-kāsengē pipi yeela woto: "Mam pa tēr sōss nins m sēn kelgā baa a yembr ye. La saam-biisā sēn zā b mens to-to wā yū-m-la noog wusgo."

⁴ **D sōng n tūm ne yamleoogo:** Kiris-neb hakukā nong n sōngda b taabā ne yamleoogo. (Yūl 110:3) Tigs-kāsengā sasa, yāmb tōe n sōng n tūma tūvumā ne yamleoog bū? Sēn deng tigs-kāseng a yembre, saam-biis la saam-bipogs na maan 600 n sōng n pūs zīigā. Ad sull ning sēn ges zīigā yellā taoor dāmb sēn yeele: "Tōnd da nan zū yā woto ye! Kuun-kāngā fāa wa n tūma ne yamleoogo!" D gūuda yūvumd 2013 rasem a tāab tigs-kāsengā ne yāgbo, n na n kelg sōssā toor-toorā n paam zāmsgo, la d waoog Wēnnaam.

3. Wān to la d tōe n wilg tu d tara sū-mare, la tu d waoogda neba?
4. Bōe yīng tu sā n tōe bū d tog n sōng n tūm tigs-kāsengā tūvuma?

TUUL-NIF RASEM 29 SEMENNĀ

Yuull 50 la puusgo

□ Tīgīngā Biibl zāmsgo:

Iv sak a 8 sull 19-26, s.n. 94, 96 zī-gūbrā
(Min. 30)

□ Wēnnaam tuumdā lekolle:

Biiblā karengo: Luk 22-24 (Min. 10)

Wēnnaam tuumdā lekoll lebg-n-gese
(Min. 20)

□ Tuumdā tīgsa:

Yuull 56

Min. 10: Sung-y Biibl zāmmsg ne nebā sig-noy kiuugā pipi sibrā. Tik saglg ning sēn be sebneng a 8, n mak n wilg d sēn tōe n sung Biibl zāmmsg ne ned sig-noy kiuugā pipi sibrā to-to. Yeel nebā tu b modg n maan woto. Sōs gom-zug ning sēn yaa "Yāmb karemdu sēbā b sēn tabend tīgīngā taablo wā zugā bu?"

Min. 10: Koeeq ning tōnd sēn segd n moonā: "Rīungā koe-no-kāngā." Diskuur sēn tik École du ministère sebrā neng 279-281.

Min. 10: Siglgā taoor-luutb Sull lētre Sōsg ne kēlgdbā. Sōsgā baasgē bu f lebs n tēeg lētrā tags-kāsemsā, la f sagl koe-moondbā tu b bugs rē zug yuuumdā pugē.

Yuull 117 la puusgo

Yāmb karemdu sēbā b sēn tabend tīgīngā taablo wā zugā bu?

Kāsem-dāmbā, kāsem-sōngdbā la neb a taab b sēn bobl tuumd tīgīngā pugē mi n karemdu sēbā taablo wā zugu, n bāngd b sā n pa tar tuumde. Baasgo, kibay sēn tar yōod la b tabend taablo wā zug tu tīgīngā ned fāa tōe n karme. Wala makre, y tōe n gesa be n bāng daar ning yāmb sullā sēn segd n puus Rīungā roogā, wall tīgīms sull yel-getā bu Betellā sā n toola lētre. Y leb n tōe n gesa zāma taoor sōsgā gom-zug be, n bool y Biibl karen-biis tu b wa kelge. Sēn paase, y tōe n geta be n bāngd tīgīsgā na-kēndre, wall yāmb sullā sēn na n moon zīig ningā. Tīgīssā sasa, b pa le karemdu kiba-kāensā kēer ye. Kāsem-dāmbā me pa tōe n togsd tīgīngā neb yembr-yembr kiba-kāensā ye. Rē n so tu d segd n karemdu kibayā taablo wā zug wakat fāa. Woto, d tōoggd n maana būmba fāa tu zemse, tu zūnd-zānd ra zīnd ye.

—1 Kor. 14:40.

Wēnnaam tuumdā lekoll lebg-n-gese

B na n leoka sogsg nins sēn pugdā Wēnnaam tuumdā lekollē, yuuumd 2013, tuul-nif kiuugā rasem 29 semennā. B paasa kiuug la semen ning pugē d sēn na n yā sokr fāa leoorā. Woto, y sā n wa segend lekollā sōssā, y bāngda tiir n maan vaeesgo.

1. Mark 10:6-9 wā pugē, bōe la a Zezi tēeg tōnd kāadmā wēengē? [Tuulg 4, w08-MM 1/2 seb-neng 32 sull a 8]
2. Tū a Zeova ne f suug fāa rat n yeelame tu bōe? (Mark 12:30, MN) [Tuulg 4, w97 15/10 seb-neng 13 sull a 4]
3. "Tood" nins yell b sēn gom Mark 13:8 pugē wā yaa bōe? [Tuulg 11, w08-MM 1/3 seb-neng 19 sull a 2]
4. A Luk tika seb-bus zut n guls a evānzillā? (Luk 1:3) [Tuulg 18, w09 15/3 seb-neng 32 sull a 3]
5. Sēn mik t'a Sūltāān "baooda weer" n na n mak tōndā, d segd n maana bōe? (Luk 4:13) [Tuulg 25, w11-MM 1/1 seb-neng 26 sull 10]
6. Wān to la d tōe n tū sagl ning sēn be Luk 6:27, 28 wā pugē? [Tuulg 25, w08-MM 1/5 seb-neng 12 sull a 4]
7. Bōe yīng t'a Zezi ra tōe n kō pagā a yel-wēn sugri, baa ne a sēn da nan pa ki tu yū rondā? (Luk 7:37, 48) [Tuul-nif 1, w10 15/8 seb-neng a 6-7]
8. "Yubredā" makdu ānd dāmba, la 'dūgrā' makdu ānda? (Luk 17:34-37) [Tuulg 1, w08-MM 1/3 seb-neng 10 sull a 2]
9. Bānd ning sēn na n zīnd 'wīndgē, kiuugē la ādsē' wā na n kutame tu nebā maan bōe? (Luk 21:25) [Tuul-nif 22, w97 1/4 seb-neng 15 sull a 8-9]
10. D sā n wa segd zu-loe-kēgemse, wān to la d tōe n duk a Zezi togs-n-taar puusgā wēengē? (Luk 22:44) [Tuul-nif 29, w07-MM 1/8 seb-neng a 4 sull a 6]

SIG-NOY RASEM A 6 SEMENNĀ

Yuull 26 la puusgo

□ Tīgingā Biibl zāmsgō:

lv sak a 9 sull a 1-12, s.n 101, zī-gūbrā (Min. 30)

□ Wēnnaam tuvmdā lekolle:

Biiblā karengō: Zā 1-4 (Min. 10)

N° a 1: Zā 3:22-36 (Min. a 4 bū sēn pa ta woto)

N° a 2: "Kēn ne sūg sōng" rat n yeelame tu bōe?—Gal. 5:16 (Min. a 5)

N° a 3: Wān-wān la a Zezi Kirist kūumā pa wala neb a taabā sēn ki b tēebā yīngā?—rs s.n. 299 s. a 2-s.n. 300 s. a 2 (Min. a 5)

□ Tuvmdā tīgsga:

Yuull 57

Min. 10: D segl d mens n kāab nebā periodik rāmbā sig-noy kiuugā. Sōsg ne kelgdbā. Ruk minit a yembr bū sēn pa ta rē, n wilg periodik rāmbā pugē sōss a wān sēn tōe n yu nebā noogo. Rē poor bū f kos kelgdbā tu b tik Gūusg Gasgā gom-zugā sōssā n wilg sokr b sēn tōe n soke, la verse b sēn tōe n karem n yaool n kāab ned sebrā. Leb n kut tu b tik Réveillez-vous ! wā gom-zugā sōssā n maan woto. Sēk sā n beē bū f yāk sōsg a to n le maan woto. Mak n wilg d sēn tōe n kāab ned periodik fāa to-to.

Min. 10: Yel sēn pak tīgingā.

Min. 10: Zu-soabā sā n ka met roogo, tān-metbā tumda zaalem bala. (Yuul 127:1) Sōsg ne kelgdbā sēn tik yuuumd 2013 aniyerā, s.n. 149, sull a 1, n tāag s.n. 151, sull a 1. Kos kelgdbā tu b togs kiba-kāens sēn wilgd tōnd būmb ninga.

Yuull 47 la puusgo

Koeese

■ Seb nins d sēn na n kāab nebā **tuvl-nif kiuugā:** Gūusg Gasgā la Réveillez-vous ! wā. Y sā n wa lebg n na n tu kaag neb nins sēn dat n bāng n paasā, bū y kāab-b Biiblā yetame sebrā wall y ges sā n yaa sōma n yūd tu y kō-a Kelg-y Wēnnaam bi Kelg-y Wēnnaam wall Kelg-y Wēnnaam n paam n vuund sēn kōn sa sebrā, la y kell n sung Biibl zāmsgō. **Sig-noy la sigr kiiśā:** Y tōe n kāaba seb-vā-kāensā a yembre: Laaf! Vuum Dūni Paalg Pugē, Dūni kāngā na n pōsa sāoong bū? Une vie de famille agréable, Namsg buud fāa na n saa ka la bilfu! Quel espoir y a-t il pour nos chers disparus ? la Yāmb dat n bāngā sūdā bū? Ned sā n dat n bāng n paase, bū y tūnug ne Biiblā yetame sebrā pa rē bū ne Kelg-y Wēnnaam wall Kelg-y Wēnnaam n paam n vuund wakat sēn kōn sa sebrā, n wilg-a Biibl zāmsg sēn maand to-to. **Sēoog kiuugā:** Koe-noog sēn yit Wēnnaam nengē! bū seb-kāensā sēn tar neng 32 wā a yembre: Kelg-y Wēnnaam wall Kelg-y Wēnnaam n paam n vuund wakat sēn kōn sa, Ket-y n gūusdē, La route qui mène à la vie éternelle : L'avez-vous trouvée ?, La Bible—Quel est son message? la y kell n sung Biibl zāmsgō.

■ Semen ning sēn deng rasem a tāab tīgs-kāsengā semennā, y tōe n basa tuvmdā tīgs sōsg a ye la y lebs n vaees būmb nins d sēn segd n tēeg tuvl-nif rasem 22 semennā yīngā. Kiuug a ye bū a yiib tīgs-kāsengā poore, y tōe n yāka rē tu y "yel sēn pak tīgingā" gom-zugu, la y sōs ne koe-moondbā, tu b togs būmb nins b sēn wūm tīgs-kāsengā sasa tu tōe n sōng-d koe-moonegā pugē.

■ Y sā n magd n na n tog sore, n na n kell n maan rasem a tāab tīgs-kāsengā beenē, bū y ges jw.org sit weebā pugē tu y na n paama kibay sēn na n sōng-yā. Y sā n kilik sitā pugē zīg ning b sēn guis tu "Consultation, " y na n yāa b sēn guis tu "Assemblées de district." Kilik-y be tu y na yā kibayā.

Y sēn tōe n yeele:

Y sēn tōe n sūg Biibl zāmsg ne nebā sig-noy kiuug pipi sibrā to-to

"Ninsaal fāa tudgdame. Yāmb zoe n soka y meng Wēnnaam sā n na n sak n kōo baa yel-wēn-kāsemsā sugr bū?" [Bas-y t'a leoke.] Lak-y sig-noy kiuugā pipi daar Gūusg Gasgā seb-neng 32 wā zīgē, n karem sēn be pipi gom-zu-bilā tēngrā, la verse nins b sēn sōdg be wā a ye, la y sōs y sēn karmā zug bilfu. Rē poor bū y kāab-a periodik-rāmbā, la y ruk sek n lebg n tu leok sokr ning sēn pugdā.

GŪUSG GASGĀ Sig-noyā 1 MOONDA A ZEJOVA RIUNGA

"M datē lame n karem verse, tu yāmb wilg y sēn tagsde. [Karm-y 1 Zā 4:8.] Wusg sakame tu verse wā sēn yetā yaa sūda, la kēer tagsdame tu Wēnnaam yaa nin-toaaga, tu bala yē n wat ne sabab-wēnsā wall a bas tu b beē. Yāmb tagsda wān ne rē? [Bas-y t'a leoke.] Seb-kāngā wilgda būmb nins sēn kut tu d pa segd n tags tu Wēnnaam yaa nin-toaagā."

Réveillez-vous!® Sig-noyā

"D gomda zu-loeeg a ye sēn namsd nebā fāa yelle. Yaa nin-wēnsā sēn be wā. Kēer yetame tu sēn na yul n menes nin-wēnsā, dēnd b paas poliis-rāmbā sōore. La yāmb yē? [Bas-y t'a leoke.] Yāmb miime tu Biiblā pūlmame tu nin-wēng pa na n le wa zīnd bū? [Karm-y Yuul Sōamyā 37:10, 11.] Seb-kāngā gomda rē yelle, la a wilgd d sēn tōe n maan to-to n kogl d mens ne nin-wēnsā."

Koe-moonegā kibaya

■ Yuuum 2012 bōn-buuung kiuugā, **Senegall** saam-biisā pouya periodik rāmb 17 114. D sā n mak rē ne ruē bōn-buuung kiuugā sōorā, fuigr n zīndi, bala seb koabg fāa zugu, 18 n paase.

■ Ruē bōn-buuung kiuugā, **Gāmbi** koe-moondbā moona koeegā wusg n zāms Biiblā ne neb 419. D sā n mak rē ne ruē bōn-buuung kiuugā sōorā, fuigr n zīndi. Biibl-karen-biis koabg zugu, 19 n paase. D sūur nooma d sēn ne tu wakat fāa, a Zejova Kaset rāmbā 'maanda Zu-soabā tuvmd wusgā.'—1 Kor. 15:58; Mat. 28:19, 20.